



(47-93) 331.881  
8.50

F

# წესდება

საქართველოს დემოკრატიულ რესპუბლიკის სახაზინო რკინის გზებზე მუშა-მოსამსახურეთა პროფესიონალურ კავშირისა.



წესდება დამტკიცებულია საქართველოს რკინის გზების დელეგატების ზირველ ურილობის მიერ 21 უნკუნისთვეს 1918 წ.



გამთვრება საქართველოს რესპუბლიკის სახაზინო რკინის გზების მუშა-მოსამსახურეთა პროფესიონალურ კავშირის ცენტრალურ გამგეობისა.



თ ბ ი ლ ი ს ი

საქართველოს სახაზინო გზების სტამბა.  
1918

# წესდება

საქართველოს სახაზინო რკინის გზებზე მუშა-  
შა-მოსამსახურეთა პროფესიონალურ კავ-  
შირისა.

## განყოფილება I.


### კავშირის დანიშნულება და მიზანი.

§ 1. რკინის გზის კავშირი ისახავს  
თავის მიზნათ: ა) რკინის გზის მუშა-მო-  
სამსახურეთა გაერთიანებას, ბ) თავის წევრ-  
თა პოლიტიკურ, უფლებრივ, კლასო-  
ბრივ, პროფესიონალურ და ეკონომიურ  
ინტერესების დაცვას, მათთვის ბრძოლას  
და აგრეთვე თავის წევრთა კულტურულ  
განვითარებაში ხელის შეწყობას, გ) მო-  
ნაწილეობის მიღებას მუშათა კლასისა და  
მშრომელთა მასის ინტერესებისათვის  
საერთო ბრძოლაში ყოველგვარ შევი-  
წროებისა და ექსპლოატაციის წინააღ-  
მდეგ.

წესდება

წესდება

410610



**შენიშვნა 1.** კავშირის მიერ წამოყენებულ ცალკე პროფესიონალურ, ეკონომიურ, უფლებრივ და პოლიტიკურ მოთხოვნებს, და აგრეთვე იმ საშუალებებს, რომლითაც კავშირი იცავს ამ მოთხოვნებს, ადასტურებს კავშირის ცენტრალური გამგეობა. გაფიცვის კოტხვა სწყდება ამ ორგანიზაციის წევრთა  $\frac{2}{3}$  ხმით.

**შენიშვნა 2.** კენჭის ყრის წესს იმუშავებს კავშირის ცენტრალური გამგეობა.

**შენიშვნა 3.** საერთო პოლიტიკურ მოღვაწეობაში კავშირი სთვლის საჭიროთ შეუთანხმდეს სხვა კავშირებს და პარტიულ ორგანიზაციებს, რომელთა პროგრამმა არ ეწინააღმდეგება კავშირის მიზანს.

**შენიშვნა 4.** რკინის გზის კავშირი შედის წევრათ საქართველოს საერთო პროფესიონალურ კავშირში, როცა ასეთი შესდგება.

§ 2. კავშირი განაგებს და უძღვება გზებზე სამოსწავლო და აღზრდის საქმეს

სახალხო განათლების სამინისტროსთან  
 შეთანხმებით და ამ საგნის შესახებ წეს-  
 დების მიხედვით.

§ 3. კავშირი განაგებს და უძღვება  
 გზებზე საექიმო-სასანიტარო საქმეს თა-  
 ნახმათ ამ საგნის შესახებ არსებულ კა-  
 ნონდებულებისა.

§ 4. კავშირი განაგებს რკინის გზებ-  
 ზე მუშებისა და მოსამსახურეების მიღება-  
 დათხოვნის საქმეს თანახმათ ამ საგნის შე-  
 სახებ არსებულ ან გამოსაცემ კანონებისა  
 და კოლექტიური ხელშეკრულობისა, რო-  
 მელიც დადებული იქმნება კავშირსა და  
 რკინის გზის სამაართველოს შორის.

§ 5. რკინის გზის კავშირს აქვს  
 ყველა უფლებები იურიდიულ პირისა და  
 ანხორციელებს ამ უფლებებს ცენტრა-  
 ლურ გამგეობის საშუალებით.

### კავშირის შემადგენლობა.

§ 6. კავშირის წევრათ ითვლებიან  
 ყველა გზაზედ მოსამსახურეები და მუშე-

საქართველოს  
 პარლამენტის  
 ბიბლიოთეკა

F 18. 979  
 2

ბი, რომელთა მუშაობა არაა შემთხვევითი ხასიათის.

**შენიშვნა 1.** კავშირის წევრებათ შეიძლება იყვნენ იმ ამხანაგობის წევრები (артельщики) და რწმუნებულები, რომლებიც ემსახურებიან რკინის გზას.


**შენიშვნა 2.** უმაღლეს თანამდებობის პირები, მოიჯარადრეები, დამკირავებლები (рядчики), მათი მოსამსახურეები და მუშები არ შეიძლება იყვნენ კავშირის წევრებათ.

**შენიშვნა 3.** კავშირის ორგანოებს შეუძლიათ მოიწვიონ თავიანთ საქმეებში მცოდნე პირები სათათბირო ხმით.

§ 7. კავშირი შესდგება პროფესიონალურ სექციებისგან.

**კავშირის წევრთა უფლება-მოვალეობანი.**

§ 8. არჩევნებისა და გადამწყვეტი ხმის უფლებებით სარგებლობენ კავშირის



ყველა წევრები, თუ მათ შეუსრულდათ 18 წელი. ამათ აქვთ აგრეთვე უფლება იყვნენ არჩეულნი კავშირის ყველა ორგანოებში. იმ პირებს, რომელთაც არ შესრულებია 18 წელი, აქვთ მხოლოდ სათათბირო ხმის უფლება.

§ 9. კავშირის ყველა წევრი მოვალეა დაემორჩილოს კავშირის წესდებსა და კავშირის ორგანოების გადაწყვეტილებებს.

### კავშირის ორგანოები.

§ 10. კავშირის ორგანოებათ ითვლებიან:

- ა) პროფესიონალური სექციის გამგეობა.
- ბ) კავშირის რაიონული გამგეობა.
- გ) კავშირის ცენტრალური გამგეობა.
- დ) დელეგატების ყრილობა.
- ე) სადისციპლინო სასამართლო.
- ვ) სარევიზიო კომისია.
- ზ) სამოსწავლო კომიტეტი.
- თ) სასურსათო კომიტეტი.

## განყოფილება II.

### პროფესიონალურ სექციის გამგეობა.

§ 11. პროფესიონალური სექცია აერთებს ყველა ერთ პროფესიაში მყოფ მოსამსახურეებს და მუშებს.

§ 12. სექციის წევრათ მოვალეა იყოს ყველა ერთ პროფესიაში მყოფი მოსამსახურე და მუშა, ორივე სქესისა, მიუხედავად ეროვნებისა, წლოვანებისა, სარწმუნოებისა და პოლიტიკურ რწმენისა.

§ 13. ყველა წევრს აქვს უფლება, თუ ის არაა მცირე წლოვანი, იყოს არჩეული კავშირის აღმასრულებელ ორგანოების ყველა თანამდებობაზე.

§ 14. ყოველ წევრმა უნდა შეუთანხმოს თავის მოქმედება სექციის მიზანს და დანიშნულებას.

§ 15. სექციის წევრი, შეგნებულათ დამრღვევი სექციის პრინციპებისა, საერთო კრების დადგენილებით შეიძლება იყოს გამოორიცხული, თუ კი ამას მოით-

ხოვს კრებაზე დამსწრეთა  $\frac{2}{3}$  უმეტესობა. ასეთი დადგენილება რაიონულ გამგეობის მიერ ეგზავნება დასამტკიცებლათ ცენტრალურ გამგეობას.

§ 16. პროფესიონალური სექციის საქმეების პირდაპირი მართვა-გამგებლობა არის გამგეობის ხელში

§ 17. გამგეობის წევრები ირჩევენ თავიანთ შორის თავმჯდომარეს, მდივანს და ხაზინადარს.

§ 18. პროფესიონალურ სექციის გამგეობის სხდომები იმართება კვირაში არა ნაკლებ ერთისა.

§ 19. გამგეობის დადგენილებანი ნამდვილია, თუ მას ხმა მისცა გამგეობის წევრთა არა ნაკლებ  $\frac{2}{3}$  ნაწილმა, დადგენილებებს იღებენ დამსწრე წევრთა უბრალო ხმის უმრავლესობით.

§ 20. პროფესიონალურ სექციების და რაიონულ გამგეობათა ანგარიშებისა და საქმის წარმოების შესამოწმებლათ ირჩევა სარევიზიო კომისია.

§ 21. სარევიზიო კომისიას შეუძლია ყოველ წამს მოსთხოვოს გამგეობას



სექციის ესა თუ ის წიგნი შესამოწმებლათ, რომელიც სწარმოებს სარევიზიო კომისიის  $\frac{2}{3}$  წევრთა დასწრებით.

### ბანუოფილება III.

#### კავშირის რაიონული გამგეობა.

§ 22. საქართველოს რკინის გზა იყოფა ტერიტორიალურათ რაიონებათ. რაიონებს განსაზღვრავს ცენტრალური გამგეობა.

§ 23. ამა თუ იმ რაიონში მყოფი პროფესიონალური სექციები გზავნიან რაიონულ გამგეობაში დელეგატებს.

§ 24. რაიონულ გამგეობის წევრთა რაოდენობა სწყდება ამ რაიონის სექციების გამგეობათა საერთო კრებაზე.

§ 25. რაიონის გამგეობის საქმეებს განაგებს პრეზიდიუმი, რომლის წევრთა რაოდენობა სწყდება თვითონ გამგეობისგან.

§ 26. თავმჯდომარე, მისი თანაშემწენი და მდივანი ირჩევიან თვით გამგეობის მიერ.

§ 27. რაიონულ გამგეობებს აქვთ მორიგი და არაჩვეულებრივი სხდომები. მორიგი სხდომები ინიშნება პერიოდულათ, გამგეობის მიერ წინდაწინვე დანიშნულ დღესა და საათზე. არა ჩვეულებრივ კრებებს კი იწვევს პრეზიდიუმი საჩქარო შემთხვევებში.

§ 28. რაიონული გამგეობა არჩევს პროფესიონალურ სექციებიდან გადატანილ საქმეებს მხარეების საჩივრით.

## განყოფილება IV

### კავშირის ცენტრალური გამგეობა.

§ 29. კავშირის ცენტრალური გამგეობა ითვლება აღმასრულებელ ორგანოთ საქართველოს სახაზინო გზების მოსამსახურეთა და მუშათა საერთო ყრილობისა, რომელიც იწვევა პერიოდულათ და შესდგება დელეგატებისგან. უკანასკნელთ ირჩევენ მოსამსახურეები და მუშები 200 კაცზე 1 დელეგატს.

§ 30. ცენტრალურ გამგეობის წევრებს ირჩევს საერთო ყრილობა იმ რიც-

ხვით, რომელსაც გადასწყვეტს თვით ყრილობა. გამგეობის წევრათ შეიძლება აგრეთვე აირჩეს ის მოსამსახურე და მუშა, რომლებიც შეიძლება არ იყვნენ ყრილობის წევრათ.

§ 31. კავშირის გამგეობა თვით განსაზღვრავს პრეზიდუიმის წევრთა რაოდენობას.

§ 32. კავშირის ცენტრალური გამგეობა მუდმივათ იმყოფება თფილისში.

§ 33. გამგეობა ხელმძღვანელობს რაიონულ და პროფესიონალურ სექციების გამგეობათა საქმეებს და აძლევს მათ საჭირო შემთხვევებში სახელმძღვანელო დარიგებებს.

§ 34. კავშირის ცენტრალური გამგეობა არჩევს რაონულ გამგეობათა ყველა საქმეებს, რომელნიც გადმოტანილი იქმნებიან აქ მხარეების საჩივრით.

§ 35. ცენტრალურ გამგეობის მოვალეობას შეადგენს მომზადება და გზის მიცემა ყველა იმ საქმეებისთვის, რომელნიც ეხებიან გზაზე მოსამსახურეთა და

მუშათა კავშირის ინტერესებს; მაგალი-  
 თად, დელეგატების ყრილობის დადგე-  
 ნილებათა სისრულეში მოყვანა, დამოკი-  
 დებულება ყოველ გვარ დაწესებულებას-  
 თან და პირებთან კავშირის საქმეების  
 შესახებ, გამოცემა კავშირის ბექდვითი  
 ორგანოებისა, აღძვრა ყოველ გვარ სა-  
 კითხების რკინის გზის მოსამსახურეთა და  
 მუშათა ცხოვრების უფლებრივ, პროფე-  
 სიონალურ, ეკონომიურ და კულტუ-  
 რულ პირობათა გაუმჯობესების შესახებ,  
 დაცვა მათი ინტერესების, და აგრეთვე  
 დაცვა მუშათა და მოსამსახურეთა ინტე-  
 რესების მოიჯარადრეებისაგან, დაცვა  
 მცირე წლოვანთა შრომისა და საზოგა-  
 დოთ ყველა იმ პირთ, რომლებიც ემსა-  
 ხურებიან გზას; შედგენა კომისიებისა და  
 სექციების; მოწვევა თათბირის და ყრი-  
 ლობის ყველა იმ კითხვებისთვის, რომ-  
 ლების გარჩევას მოითხოვს გზაზე მოსამ-  
 სახურეთა საჭიროება; შესრულება ყო-  
 ველგვარ აქტებისა და ხელშეკრულებათა,  
 რომლებიც შეეხებიან გზაზე მოსამსახუ-  
 რეთა და მუშათა კავშირის საქმეებს, ქო-

ნებათა შექმნა და მოშორება კავშირის სახელით, დაცვა სასამართლოში კავშირის საქმეებისა, ხარჯვა კავშირის თანხისა ყრილობის მიერ ხარჯთაღრიცხვის ან დადგენილების ფარგლებში, შემუშავება სტატისტიკურ ცნობებისა მოსამსახურეებისა და მუშების შესახებ და საერთოთ ყველა ის, რაც საზოგადოთ ხელს შეუწყობს კავშირის საქმეების სწორ სვლას და მის დანიშნულებათა წარმატებით განხორციელებას.

§ 36. გზის საზღვრებში კავშირის საქმეების განსახილველათ იწვევა მორიგი და არაჩვეულებრივი გზის ყრილობები. მორიგი ყრილობა იწვევა ერთხელ წელიწადში, დელეგატების ჩვეულებრივ ყრილობას იწვევს საჭირო შემთხვევებში ცენტრალური გამგეობა თავის ნებით, სარევიზიო კომიტეტის მოთხოვნით და ან რაიონულ გამგეობათა არა ნაკლებ ნახევარი ნაწილს მოთხოვნის მიხედვით. ის დაწესებულებანი, რომლებიც მოითხოვენ დელეგატების არა ჩვეულებ-

რივ ყრილობას, მოვალენი არიან წარ-  
 მოადგინონ დასაბუთებული განცხადება  
 სადაც ნაჩვენები იქნება ყრილობაზე გა-  
 დასაწყვეტი საგნები. ასეთ შემთხვევაში  
 ცენტრალური გამგეობა მოვალეა მოი-  
 წვიოს ყრილობა არა უგვიანეს ოთხი-  
 კვირისა დღიდან განცხადების მიღებისა.  
 ყრილობის სხდომებზე თავმჯდომარეობს  
 ყრილობის მიერ არჩეული პირი. დელე-  
 გატების ყრილობა ირჩევს: ცენტრალურ  
 გამგეობას, სარევიზიო კომისიას, სამოს-  
 წავლო და სასურსათო კომიტეტს.

### სარევიზიო კომისია.

§ 37. სარევიზიო კომისიას ირჩევს  
 დელეგატების ყრილობა თანახმათ ყრი-  
 ლობის მიერ განსაზღვრული რიცხვისა.  
 სარევიზიო კომისიის წევრათ შეიძლება  
 აგრეთვე იყოს ყრილობის არა წევრი  
 მოსამსახურე და მუშა. კომისია ირჩევს  
 თავის წრიდან თავმჯდომარეს, მდივანს  
 და მათ თანამოადგილეებს. სარევიზიო  
 კომისიის წევრათ არ შეიძლება იყვნენ

არჩეულნი ადგილობრივ რკინის გზის კავშირის აღმასრულებელ ორგანოების წევრნი, და აგრეთვე ისინი, ვისაც უქირავთ კავშირში ჯამაგირიანი ალაგები. სარევიზიო კომისია წლის განმავლობაში რევიზიას უკეთებს კავშირის ყველა ორგანოების ფულის ანგარიშებს, საქმის წარმოებას და მოღვაწეობას. შენიშნულ უწყისრიგობის შესახებ კომისია ატყობინებს შესაფერ გამგეობას, ან თხოულობს დელეგატების ყრილობის მოწვევას.

### სამოსწავლო კომიტეტი.

§ 38. წევრები იმ კომიტეტისა, რომლის მოვალეობას შეადგენს კავშირის ყველა სამოსწავლო-საგანმანათებლო საქმეების ზედამხედველობა, ირჩევიან წესდების მიხედვით.

### სასურსათო კომიტეტი.

§ 39. სასურსათო კომიტეტის წევრები ყრილობის მიერ განსაზღვრული რიცხვით ირჩევიან თვით ყრილობის მიერ.

## გაყოფილება V.

§ 40. კავშირის სახსარს შეადგენს:

- ა) ყველა წევრის შესასვლელი გადასახადი 1<sup>0</sup>/<sub>10</sub> სამსახურში ყოველგვარ მინაღებთვიურ სარჩოსგან, მუშების დღიურ ან გარიგებულ სასყიდლიდან, თუ უფასო ბინა აქვს მოსამსახურეს, ბინის ღირებულებიდან, სავერსო ფულებიდან და პრემიისგან, გარდა შემთხვევით მიცემულ ფულებისა, როგორცაა დახმარება, საჩუქარი, დღიური და სხვა. ბ) ყოველთვიური საწევრო გადასახადი 1<sup>0</sup>/<sub>10</sub> ყველა იმ მიღებულ სარჩო ფულებისგან, რომელიც ნაჩვენებია პირველ პუნქტში. გ) კავშირის საკუთარ მოძრავ და უძრავ ქონების და წარმოებათა შემოსავალი. დ) შეკრებილი ფული ლექციებისგან, კონცერტებისგან და ყველა შემთხვევითი შემოსავალი.

საწევრო გადასახადს უკავებს მოსამსახურეებს რკინის გზის სალაროები ჯამაგირის სიების, ტაბელების და სხვა წარდგენილ ფულის მისაღებ საბუთების მიხედვით. გამორაცხული ფული გადაეცემა



ცენტრალურ გამგეობას. ის კავშირის წევრები, რომლებიც იღებენ გზიდან სარჩოს ფულს არა ფულის მისაღებ საბუთებით, მოვალენი არიან შემოიტანონ კავშირის სალაროში გადასახადი თვითონ ან რწმუნებულების ხელით. კავშირის სახსარი იხარჯება ხარჯთ აღრიცხვის ან დელეგატების ყრილობის გადაწყვეტილების მიხედვით.

**შენიშვნა.** საწევრო გადასახადი არავის უბრუნდება უკან.

§ 41. პროფესიონალური სექციები და აგრეთვე კავშირის რაიონული გამგეობანი სახსარს იღებენ ცენტრალურ გამგეობის განკარგულებაში მყოფ თანხიდან პროფესიონალურ სექციების, რაიონულ და ცენტრალურ გამგეობისა და დელეგატების ყრილობის მიერ შედგენილ ხარჯთა აღრიცხვის მიხედვით.

## განყოფილება VI.

**ყველა ორგანოთა არჩევნების წესი და მათი უფლებათა ვადა.**

§ 42. კავშირის ყველა ორგანოების შემადგებლობა ირჩევა ერთი წლით.

ორგანოდან გასული წევრის მაგიერ შეიძლება არჩეულ იქმნას სხვა წევრი ახალი ვადით.

კავშირის ორგანოთა შემადგენლობა სავსებით, ან მათი ცალკე წევრები შეიძლება გაწვეულ იქმნან უკან ვადის შესრულებამდე იმ კრების გადაწყვეტილებით, რომელმაც ესა თუ ის კავშირის ორგანო აირჩია. კავშირის ყველა წევრებს აქვთ აქტიური და პასიური არჩევნების უფლება.

§ 43. კავშირის აღმასრულებელ ორგანოს არჩევნები ხდება ფარული კენჭის ყრით პროპორციონალურათ.

**შენიშვნა.** როგორც მორიგ, ისე არა მორიგ დელეგატების ყრილობაზე გამგეობის წევრთ აქვთ გადამწყვეტი ხმის უფლება მხოლოდ იმ შემთხვევაში, თუ მათ აქვთ ადგილობრივ მიცემული მანდატი რომ ის წევრია ამ ყრილობისა.

§ 44. კავშირის ორგანოსგან რომელიმე წევრის გახვლის შემდეგ მის ად-

საქართველოს  
 უარლამენტის  
 ეროვნული  
 ბიბლიოთეკა

H10610

F18.949

2

ვილს იქერს არჩეული კანდიდატი. იმ შემთხვევაში, თუ წასული წევრი დაუბრუნდა თავის თანადებობას, კანდიდატები თავისუფლდებიან აღნიშნულ მოვალეობის შესრულებისგან. იმ შემთხვევაში, თუ კავშირის ორგანოს რომელიმე წევრი მოკლე დროთი ანებებს თავს ორგანოს, კითხვა იმის შესახებ, დაიჭიროს თუ არა მისი ალაგი კანდიდატმა, სწყდება თვით კავშირის ორგანოს მიერ. ის პირნი, რომლებიც არჩეულნი არიან კავშირის უმაღლეს ორგანოებში, თავისუფლდებიან მათ მიერ აღებული მოვალეობისგან კავშირის სხვა ორგანოებში და ენახებათ მათ ამ თანამდებობათა კუთვნილი წოდება.

§ 45. მთელი წესდება და აგრეთვე მისი ცალკე მუხლები შეიძლება შესცვალოს მხოლოდ დელეგატების გადაწყვეტილებამ. ასეთი გადაწყვეტილება უნდა მიღებულ იყოს ყრილობაზე მყოფ დელეგატების ხმის აბსოლიტიური უმრავლესობით.

§ 46. ამ წესდების მიღებით კარგავს ძალას ყოფილ ამიერ-კავკასიის რკინის გზების ყრილობათა მიერ მიღებული წესდება, სრულიათ რუსეთის რკინის გზათა კავშირისა, წესდება პროფესიონალურ სექციებისა და დებულება ადგილობრივ და ცენტრალურ აღმასრულებელ კომიტეტების შესახებ.



F 18.979  
2

